



■ ПАРЛАМЕНТ ФАОЛИЯТИ

ЎзХДП фракцияси аъзолари сайловчилар билан учрашувлар ўтказмоқда

Сиёсий партиянинг Сайловолди дастури ижросини таъминлаш, электорат манфаатларини самарали ҳимоя қилишда партиянинг Олий Мажлис Қонунчилик палатасидаги фракцияси фаолияти ғоят муҳим аҳамиятга эга. Чунки ижтимоий-иқтисодий соҳадаги масалалар ечими айнан қонун ижодкорлиги жараёнида ўз ифодасини топади. Бу жараёнда депутат қанча фаол бўлса, ҳаётни чуқур билса, қонунлар шунча мукамал бўлади.

► Давоми 2-бетда.



Қадриятларимиз мужассам байрам

Тошкент вилояти Қибрай туманидаги Нурафшон маҳалласида истиқомат қилаётган 90 ёшли Тўхтаон ая Султоновнинг хонадони бугун ҳар доимгидан гавжум. Томорқада Ўзбекистон Халқ демократик партияси «Истиқбол» ёшлар қаноти ҳамда «Ёш сиёсатчилар» клуби фаоллари кўчат ўтказмоқда. Онахоннинг яқинда 70 ёшни қаршилаган кизи Матлуба ая дераза ойналарини артаётган дастурларга ўғит бермоқда...

ёшлар қаноти ҳамда «Ёш сиёсатчилар» клуби аъзолари, нурунийлар ва кенг жамоатчилик вакиллари иштирок этди.

— Тадбир давомида ёши улғунсонлар, айниқса, ёлғиз кексалар ва ногиронлар ҳолидан хабар олишга, совға улашиб, кўнглини овлашга алоҳида эътибор қаратилди, — дейди Ўзбекистон Халқ демократик партияси Марказий Кенгаши сектор мудири Умрбек Бектемиров. — «Нурафшон» маҳалла фуқаролар йиғинидаги хонадонларда мева



Баҳор кунлари шаҳару қишлоқларимизда халқимизга хос мана шундай миллий қадриятимиз — ёши улғунлар, ёрдамга муҳтож инсонлар ҳолидан хабар олиш, совға-саломлар улашиб, маҳалла, кўча-кўй, ҳар бир хонадонда ободонлаштириш ишлари янада жонланади.

Ўзбекистон Халқ демократик партияси Марказий Кенгаши ташаббуси билан Қибрай туманида «Юртим ободчилиги менинг ҳиссам» лойиҳаси асосида тадбир ўтказилди.

Унда партия Марказий Кенгаши масъуллари, «Истиқбол»

ва манзарали дарахт кўчатлари ўтказилди. Ёшлар нурунийларимиз хонадонидан юмушларга кўмаклашди, томорқа ишларига ёрдам берди. Энг муҳими, уларнинг суҳбати ва маслаҳатини олди.

...Хашарчилар ижро этаётган ўлану лапарларни тинглар экан, Тўхтаон ая эвараси Мафтунахонни бағрига босганча, етказганига шукр, дейди, сўнг юртга тинчлик, Юртбошимизга узок умр тилаб дуо қилади.

И.АВВАЛБОВ,
ЎзА.

■ ЎзХДП «ИСТИҚБОЛ» ЁШЛАР ҚАНОТИ

Ўзбекистон Халқ демократик партияси дастурида ёшлар бандлигини таъминлаш ҳамда уларни қўллаб-қувватлаш муҳим вазифа сифатида белгиланган. Бу партиямиз сафи фаол йигит-қизлар билан кенгайишида муҳим аҳамият касб этмоқда.

Партиядошларимиз сафи кенгаймоқда

Сурхондарё вилоятида ташаббускор ёшларнинг 12 минг 380 нафари ЎзХДП сафига қабул қилинган. Йилдан-йилга кўрсаткичлар ортиб бормоқда. Масалан, ўтган йили 1234 нафар, жорий йилнинг ўтган 2 ойида эса 277 киши ЎзХДПга аъзо бўлди. Яқинда вилоят партия кенгашидаги давра суҳбатида бир гуруҳ ёшларга аъзолик гувоҳномалари топширилди. Уларнинг орасида **Зулфияхоним издошларидан бири Комила Шойимова** ҳам бор.

— Юртимизнинг бахтли кизи эканимдан фахрланаман, —

деди у давра суҳбатида. — Бу йил унутилмас лаҳзалар, улкан режа ва ютуқлар билан бошланди. Зулфия номидаги Давлат мукофотини кўлга киритганим бир бахт бўлса, ЎзХДП аъзолигига қабул қилинганим яна бир қувончли воқеа бўлди. Зулфияхоним қизлари сафида турар эканман, қалбимни чексиз ҳаяжон, битмас-туганмас шодлик эгаллаган эди. Бугун ҳам ана шундай бахтиёрликни ҳис қилдим. Энди мен сиёсий кучнинг аъзосиман. ЎзХДПни танлаганимнинг ўзига хос сабаблари бор. ЎзХДП мамлакатимиздаги

етақчи сиёсий партиялардан ҳисобланади. Ёшларни қўллаб-қувватлаш, ижтимоий ҳимояга муҳтож қатлам вакиллари муҳофиза қилиш масалаларида фаоллик кўрсатмоқда, муайян натижаларга эришмоқда. Келажақда Ватанимиз равнақига ҳисса қўлиш — асосий мақсадим.

Давра суҳбатида вилоят партия ташкилоти мутасаддилари, фаоллар ва ёшлар иштирок этди.

Абдумалик ҲАЙДАРОВ,
«Ўзбекистон овози» муҳбири.

■ СПОРТ

Ўзбек жанг санъати усталари жаҳонда тенгсиз

Ўзбек жанг санъати бўйича Ўзбекистон терма жамоаси аъзолари Португалиянинг Калдаш-да-Раинья шаҳрида ўтказилган яққақурашлар бўйича VI жаҳон чемпионатида 34 олтин, 7 кумуш ва 2 бронза медални кўлга киритди.

Шу муносабат билан Ўзбекистон шарқ яққақурашлари ва жанг санъатларини ривожлантириш марказида матбуот анжумани ташкил этилди.

Қирқдан зиёд давлат спортчилари иштирок этган жаҳон чемпионатида ўзбек жанг санъати усталари намойиш этган кўргазмали чиқишлар, беллашувлар ҳакамлар томонидан юқори баҳоланди. Терма жамоамиз нуфузли чемпионатда кўргазмали чиқиш бўйича тенгсиз, деб эътироф этилди.

Жаҳон чемпионатида Аҳмад Турдиқонов, Нуржон Темиров, Зоҳид Абдураҳмонов, Илтиёр Зикрийев, Жасурбек Серикбоев, Жасурбек Аҳмаджонов,



Рустам Валиев, Сарвина Саломова, Зухра Умрзокова, Моҳиғул Аҳмаджонова, Қарина Ким каби иқтидорли спортчиларимиз қатор йўналишларда ғолиб ва совриндор бўлди.

Жавоҳир ТОШХУҲАЕВ,
ЎзА муҳбири.

■ ПРЕЗИДЕНТ ТАБРИГИ: ТААССУРОТ, МУНОСАБАТ

Ҳар қандай байрам — энг аввало, руҳий неъмат. Кўзлар ва кўнгиллар қувончи. Халқлар, эллар ва элатлар шодиёнаси.

Дунёда байрамлар кўп. Уларни таҳминан учга — сиёсий, диний ва миллий байрамларга бўлиш мумкин. Наврўзи олам эса мазмун-моҳиятига, удум ва анъаналарига кўра, барчасидан ўзгача, улғу ва бетакрор айёмдир.

БЕЗАВОЛ РУҲ

Наврўз — она табиат дала-ю даштларга, тоғ-тошларга, қир-адирлар-у бог-роғларга, жамики тирриклик оламига, одамзод эса ўз саховатини намойн қилган, пойи ва боши узра гуллар сочган она табиатга меҳр-муҳаббат изҳор этадиган нодир ва гўзал палла.

Наврўзнинг дил рози ер юзини қоплаган ям-яшил майсалар, дарахт ва буталарни келинчадек ясан-тирган ранго-ранг гуллар тимсолида намойн бўлса, инсонларнинг дил рози кулгу-қаҳқаҳаси, оҳангида бахтиёрлик балкиган тароналари, ўйинлари, тўкин дастурхони, бир-бирига улашган меҳр-муҳаббатда акс этади.

Наврўзнинг куй-қўшиқлари, ўйин ва рақслари, удум ва тутумлари, ҳатто руҳи ҳам бошқа байрамлардан тубдан фарқ қилади.

Унинг руҳида: инсоннинг янгилиниш ва яшариш фаслига моли-жони, оиласи, қавм-қариндоши, ёр-дўстлари билан соғ-омон етганлигининг шукронаси; катта-ю кичикнинг ризқ-рўзи яратиладиган, дастурхонларга кут-баракка, оилаларга фаровонлик инъом этадиган деҳқончилик йили бошланганининг, чорвасининг туёғи ва маҳсулотни кўпайтирган кўнлар келганининг қувончи; қиш фаслида тўхтаб қолган ишларни бошлашнинг қулай палласи келгани, яъни яратувчилик ва бунёдкорликка йўналтирилган орзу-ниятларини рўёбга чиқаришга йўл очилганининг суюнчи; баҳор фаслини тинч ва осойишта юртда, турли миллатга мансуб юртдошлар билан тотувлик ва ҳамжиҳатликда кўтиб олаётганининг сурури мужасамдир.

Шунинг учун ҳам халқимиз ўшбу айёмни ҳар сафар ўзгача шукух, эзгу орзу-умидлар, ёрғун ниятлар билан кўтиб олади ва кўтаринки кайфият билан нишонлайди. Бу билан Наврўзи олами нишонлашни урфга киритган олис боболарга ҳурматини, бугунги кунига эъзоз ва эҳтиромини, келажаққа ишончини ифодалайди.

Шу йил 21 март кунини Алишер Навоий номидаги Ўзбекистон Миллий боғида бўлиб ўтган тантанали маросимдаги сўзида давлатимиз раҳбари таъкидлаганидек, Наврўзнинг ўлмас руҳи ва қадриятлари авлодлардан авлодларга безавол ўтиб келмоқда, ордан қанча йиллар, замонлар ўтмасин, бу ғоя ва одатлар бугунги кунларда ҳам халқимизнинг онгу тафаккурида чуқур из қолдириб, кучайиб бормоқда.

Гуллар оғушига кўмилган майдонда янграган ва бир-бирига уланган куй-қўшиқлар, турли миллатга мансуб тантана қатнашчиларининг хурсандчилиги ўшбу ҳақиқатни тасдиқлаш билан бирга, юртимизнинг шаҳар ва қишлоқлар, овуллар ва маҳаллаларидан бошланиб, ҳамон давом этаётган Наврўз шодиёналарининг чўққиси бўлди. Бутун халқнинг диққат-эътиборини ўшбу айёмга жалб этди, унга ўзгача жозиба бағишлаб, кадр-қимматини яна бир марта оширди.

Наврўз фақатгина баҳор байрами, эзгу ниятли инсонларнинг бошини қовуштирадиган шодиёна бўлиб қолмасдан, айни пайтда меҳр-оқибат ва хайр-саховат тантанаси ҳамдир. Байрам табриғида халқимизнинг қон-қонига, суяк-суягига сингиб кетган олижаноблик, барикентлик, одамийлик ва меҳрибонлик каби ҳислатларига алоҳида урғу берилгани ҳам бежиз эмас.

Дарҳақиқат, байрам кунлари ижтимоий ҳимояга муҳтож, кўп болали хонадонларнинг, яққа-ёлғиз кексаларнинг, уруш ва меҳнат фахрийларининг, беғорлар ва ногиронларнинг ҳолидан хабар олиш, байрам билан қўллаб, совға-саломлар ҳадя этиш ҳам аслида Наврўздан бошланган умрбоқий удувлардир, десак, айни ҳақиқатни айтган бўламиз.

Халқимиз нафақат байрам кунлари, балки ҳар доим ажодлардан қолган, «Ғам бўлинса, қамаяди, шодлик бўлинса, кўпаяди», деган ҳикматга амал қилиб келади. Яъни, ақин ва узок қўшнилари билан муносабатни ўзаро ҳурмат, дўстлик ва ҳамжиҳатлик, бир-бирининг манфаатларини ҳисобга олиш асосига қуради, ўзининг қувончини қўни-қўшни эллар ва юртлар билан бўлишиб, ўзгаларга ҳам шоду хуррамлик улашишга интилади. Нафақат ўз юртига, балки бутун башариятга бирдек тинчлик ва омонлик тилаб яшайди.

Бу ҳислатни юртдошларимиз оламга бор меҳрини сочиб, еру кўкни яшиллик ва яхшиликка буркайдиган саҳий ва ҳиммати баланд она табиатдан, унинг эрқа айёми — Наврўзи оламдан олгани ҳам муболага эмас.

Неча минг йиллардан бери халқимизга куч-қувват бағишлаб, эзгуликлар сари чорлаб келаётган Наврўзнинг ҳаётбахш руҳи юртдошларимизга мададкор бўлсин.

Бахтиёр РИЗАЕВ,
«Ўзбекистон овози» муҳбири.

ХАЛҚ ДЕПУТАТЛАРИ КЕГЕЙЛИ ТУМАН КЕНГАШИДАГИ ЎзХДП ГУРУҲИ ҚИШЛОҚ ЖОЙЛАРИДА СЕРВИС СОҲАСИНИ РИВОЖЛАНТИРИШ, АҲОЛИГА МАИШҲИЙ ХИЗМАТ КўРСАТИШ СИФАТИНИ ОШИРИШ ҲАҚИДАГИ МАСАЛАНИ МУҲОКАМА ҚИЛДИ.

ХАЛҚ ДЕПУТАТЛАРИ БАЛИҚЧИ ТУМАН КЕНГАШИДАГИ ПАРТИЯ ГУРУҲИНИНГ НАВБАТДАГИ ЙИГИЛИШИ ЎТКАЗИЛДИ. УНДА ЭЛЕКТОРАТ МАНФААТЛАРИ БИЛАН БОҒЛИҚ ДОЛЗАРБ ИЖТимоий МАСАЛАЛАР МУҲОКАМА ҚИЛИНДИ.

ХАЛҚ ДЕПУТАТЛАРИ БУХОРО ВИЛОЯТ КЕНГАШИДАГИ ЎзХДП ГУРУҲИ ЙИГИЛИШИДА ВИЛОЯТ ҲОКИМИ ЎРИНБОСАРИНИНГ «ТАЪЛИМ Тўғрисида»ГИ ҚОНУН ИЖРОСИ Бўйича ҲУДУДДА ОЛИБ БОРИЛАЁТГАН ИШЛАР ҲАҚИДАГИ АҲБОРОТИ ЭШТИЛДИ.

ЎзХДП: ФАКТ ВА РАҚАМЛАР

ПРЕЗИДЕНТ ТАБРИГИ: ТААССУРОТ, МУНОСАБАТ



■ «Шарқона янги йил кириб келиши арафасида туриб, янги йилда сизнинг энг эзгу ниятларингиз нималардан иборат, деб сўраса, халқимиз, ҳеч иккиланмасдан, бизга тинчлик ва омонлик керак, деб жавоб бериши муқаррар».

Тинчлик, осойишталик, хотиржамлик

дунёдаги энг улугъ неъмат

Шу кунларда бутун мамлакатимиз бўйлаб Наврўз нафаси кезиб юрибди. Алишер Навоий номидаги Ўзбекистон Миллий боғида бошланган тантаналар республикамизнинг барча ҳудудлари, туман ва қишлоқлар, чекка овулларда ҳам кўтаринки руҳда давом этмоқда. Айниқса, Президентимизнинг Наврўз байрамига бағишланган тантанали маросимдаги сўзида билдирилган фикр-мулоҳазалар ҳар бир юртдошимиз қалбига акс-садо бермоқда, шу юртни севиш, унинг тинчлигини асраб-авайлаш, эртанги кунга ишонч туйғуларини янада кучайтирмоқда.



Топволди ХОЛДОРОВ,
«Нуроний» жамғармаси
Фарғона вилоят бўлими
раиси, халқ депутатлари
вилоят Кенгашидаги
ЎзХДП гуруҳи аъзоси:



Меҳриноз АББОСОВА,
Ўзбекистон давлат
жаҳон тиллари
университети талабаси,
Зулфия номидаги Давлат
мукофоти соҳиби,
ЎзХДП фаоли:



Элибой ТАНИЕВ,
Пастдарғом туманидаги «Х.Т.Умсин
момо» фермер ҳўжалиги раҳбари, халқ
депутатлари Самарқанд вилоят
Кенгашидаги ЎзХДП гуруҳи аъзоси,
«Эл-юрт ҳурмати» ордени соҳиби:

— Мен ҳам Алишер Навоий номидаги Ўзбекистон Миллий боғида ўтказилган тантаналарда бевосита иштирок этиш бахтига муяссар бўлдим. Юртбошимизнинг сўзларини ҳаяжон билан тингладим.

Президентимизнинг «Шарқона янги йил кириб келиши арафасида туриб, янги йилда сизнинг энг эзгу ниятларингиз нималардан иборат, деб сўраса, халқимиз, ҳеч иккиланмасдан, бизга тинчлик ва омонлик керак, деб жавоб бериши муқаррар», деган сўзларидан жуда ҳаяжонга тушдим. Тантананда қатнашаётган юртдошларимизнинг юз-кўзларига қараб, улар қалбининг туб-тубида ана шу ният-ва орзулар мустаҳкам ўрин олганига амин бўлдим. Узоқ йиллар давомида ота-боболаримиз бугунгидай бахтиёр ва осуда ҳаётни орзу қилиб ўтгани, шу йўлда не-не қийинчиликлар, азоб-уқубатларга дош бергани, жонини фидо қилгани ҳаёлимдан ўтди.

Наврўз қадим-қадимдан инсонларда олижаноб фазилатларни тарбиялаган. Заиф, бемор, ёлғиз, ёрдамга муҳтожларни суяш, қўллаб-қувватлаш, бағрикенг ва саховатли бўлишга ундаган. Юртбошимиз Наврўз тарихи ва фазилатларига алоҳида эътибор қаратар экан, ана шу асрий аъёнларини ҳамиша тарғиб қилиш, айниқса, ёшлар онгига чуқурроқ сингдириш лозимлигини ўқитди.

Мен ёши улугъ бир инсон сифатида шуни айтишим керакки, бугунги нотинч дунё Ватани янада кучлироқ севиш, асраб-авайлаш, унинг равнақи йўлида фидойилик кўрсатишни талаб этади. Дунёга, ён-атрофимизга назар ташлаб, фикр қиладиган бўлсак, яна бир ҳақиқат яқол намён бўлади. Яъни, бугун қаерда келишмовчилик, турли хил найранг суёсий ўйинлар авж олган бўлса, ўша ерда нотинчлик, парокандалик ҳукм сурмоқда, бунинг ортидан оддий одамлар жабр-зулм кўрмоқда. Аксинча, қаерда меҳроқибат, бирдамлик ва ҳамжиҳатлик устувор бўлса, ўша юртда тинчлик, тараққиёт тантана қилмоқда, одамлар ҳаётидан рози бўлиб, орзу-ниятларига етишяпти.

Ўзбекистон ХДП мақсад ва вазифаларига эътибор қаратадиган бўлсак, уларнинг Наврўз ғоялари билан ҳар томонлама мос ва уйғун эканини кўрамыз. Шунинг учун биз депутатлар, партия фаоллари ҳар бир амалий ишимиз, маънавий-маърифий, ижтимоий-сиёсий тадбирларимизда Президентимиз сўзларидаги фикрлар ва ҳулосаларга таянишимиз лозим, деб ўйлайман.

— Наврўз кунларидаги табиатнинг гўзалликлари одамларни яратувчанликка, меҳнат қилишга ўндайди. Бундай дамда деҳқон дала-сига отланади. Бобон боғига йўл олади. Шоир шеър ёзади. Ёшлар қалбига эса янги-янги орзу-умидлар, юсак марраларни эгаллаш ҳисси пайдо бўлади. Айниқса, Ўзбекистон ёшлари кўнглида бундай интилиш янада кучлироқ бўлиб ўради.

Президентимизнинг ёшларга қарата «... бошимиздан кечириётган, шиддат билан ўзгариб, тобора мураккаблашиб бораётган давр барчамизнинг, биринчи навбатда, сиз, азиз фарзандларимизнинг олдида замонавий билим ва касб-хунарларни, интеллектуал бойликларни чўқур эгаллаш, шу билан бирга, мамлакатимизнинг халқаро майдонда рақобатдошлигини янги босқичга кўтариш, иқтисодиётимизни янгилаш, модернизация ва диверсификация қилиш, буларни тараққиётимизнинг локомотивиға айлантириш каби вазифаларни қўймоқда. Айни шу улкан долзарб мақсадларга эришиш йўлида сиз, азизларнинг халқимиз, Ватанимизнинг ишончини оқлашга қодир эканлигинизга ишонаман ва барчангизни доимо қўллаб-қувватлашга тайёрман» деган даъватлари бутун Ўзбекистон ёшларини улкан мақсадлар йўлида янада жипслаштирди, деб ўйлайман.

Табиқдаги ана шу сўзларни қайта-қайта ўқир эканман, ёшлар зиммасида нақадар шарафли ва масъулиятли вазифа турганини ҳис қиламан.

Бир фикрни ишонч билан айта оламани, бугун тенгдошларимиз қайси соҳада бўлмасин иқтидори, истеъдоди ва салоҳиятини намён этишни, катта ютуқларга эришишни ўзининг бурчи, деб билади. Бунга ким шароит, имкониёт яратиб берди? Албатта, она-Ватанимиз, Президентимиз. Агар биз ҳар қанча истеъдодли бўлмайлик, юртимизда тинчлик, етарли шарт-шароит, мана бу мусаффо осмон бўлмаганида бирор-бир ютуққа эриша олмадик. Бугун дунёнинг нотинч, беқарор давлатларида қанчадан-қанча ёшлар азият чекаётгани, ўқиш, у ёқда турсин, орзу қилиш бахтидан бебаҳра экани бизни ўйлашга, ҳулоса чиқаришга ўндайди.

Шунинг учун биз, мамлакатимиз ёшлари бор куч ва имкониятларининг Ватанимиз тараққиёти, халқимиз фаровонлиги йўлида сарф этишимиз зарур.

— Очиғини айтсам, бу йилги Наврўз фермер ва деҳқонлар учун бошқача келди. Байрам кунлари олдиндан ёққан мўл ёмғир ернинг, экинлар ва дов-дарахтларнинг баҳри дилини очиб юборди, одамларнинг кайфиятини кўтарди. Шунданми, халқимиз Наврўзни янада ҳушнудлик билан кутиб олди.

Президентимизнинг тантанали маросимдаги сўзида алоҳида таъкидлаганидек, «Неча минг йиллик тарихимиздан маълум: Наврўз фаслида турли низо ва адоватлар, гина ва аразлар унутилиб, одамлар, миллат ва элатлар ўртасида меҳроқибат, шафқат ва мурувват, ҳамжиҳатлик каби инсоний туйғулар янада кучаяди».

Қаерда меҳроқибат, бирдамлик ва ҳамжиҳатлик устувор бўлса, ўша юртда тинчлик, тараққиёт тантана қилмоқда, одамлар ҳаётидан рози бўлиб, орзу- ниятларига етишяпти.

Дарҳақиқат, Наврўз нашидаси юртимиздаги ҳар бир оила, маҳалла, меҳнат жамоаларига кириб борди. Хусусан, фермер ҳўжалигимизда ҳам Наврўз муносиб кутиб олинди. Ҳозир ҳўжалигимизда 34 нафар киши доимий иш билан таъминланган. Қишлоқ ҳўжалигида зарур бўлган барча замонавий техникалар мавжуд. Сувчи, механизатор ва бошқа соҳа эгалари катта тажрибага эга. Ўнг аввало, улар бир оиладек, аҳил бўлиб меҳнат қилишмоқда. Шу боис пахтачиликда ҳам, галлачиликда ҳам ҳар йили юқори натижаларга эришяпмиз. Чорвачилигимиз ҳам йилдан-йилга ривожланиб бораёпти. Натижада даромадимиз ҳам ошяпти.

Кичик фермер ҳўжалигимиз фаолиятдан мисол қилиш мумкинки, одамлар ўртасида меҳроқибат, ҳамжиҳатлик қанчалик кучли бўлса, меҳнатимиз самараси шунчалик юқори бўлади, кут-барака ошади. Инсоннинг кўнглига байрам, хурсандчилик сиғади. Юртимиз тинч, кўнглимиз хотиржам бўлса, мамлакат ободлиги, турмуш фаровонлиги йўлида фидойилик билан меҳнат қилаверамиз.

«Ўзбекистон овози» мухбирлари
Муҳаммадjon ОБИДОВ,
Абдурашул САТТОРОВ,
Нурали ОРИПОВ тайёрлади.

ПАРЛАМЕНТ ФАОЛИЯТИ

«Ўзбекистон Республикаси Олий Мажлиси Қонунчилик палатасининг Регламенти тўғрисида»ги қонунга мувофиқ шу кунларда депутатлар, хусусан, ЎзХДП фракцияси аъзолари ўз сайлов округларида сайловчилар билан учрашувлар ўтказмоқда. Бундай учрашувлар фракциянинг электорат, сайловчилар фикр-мулоҳаза ва таклифлари асосида ишлаш имконини янада кенгайтириши билан аҳамиятлидир. Сайловчилар билан юзма-юз мулоқотлар давомида қўтарилган муҳим ижтимоий масалалар, аҳоли томонидан билдирилган фикр-мулоҳазалар депутатларнинг келгуси фаолияти йўналишларини янада аниқ белгилаб олишида муҳим ўрин тутади.

ЎзХДП фракцияси аъзолари сайловчилар билан учрашувлар ўтказмоқда



Санжар ШОҒУЛДАНОВ олган суратлар.

Депутатлар учрашувларда давлат бошқарувини янгилаш ва янада демократлаштириш, ижтимоий-иқтисодий, суд-ҳуқуқ тизимидаги ислохотларни чуқурлаштириш, ташқи сиёсат, хавфсизликни таъминлаш, юртимизнинг жаҳон ҳамжамиятидаги ўрни ва нуфузини мустаҳкамлаш борасида амалга оширилаётган кенг қўламли ишлар ҳамда партия Сайловдаги дастури ижросини таъминлаш масалалари тўғрисида сайловчилар, электорат вакилларига афторфлича ахборот бермоқда.

Ўзбекистон Халқ демократик партияси фракциясининг аъзолари 2016 йилда иш ўринлари ташкил этиш ва аҳоли бандлигини таъминлаш дастури ижроси, парламентнинг қонун ижодкорлиги фаолияти, янги қабул қилинган қонунларнинг мазмун-моҳияти, айти пайтда парламентда муҳокама қилинаётган қонунлар лойиҳаларининг аҳамияти, Соғлом она ва бола йилида партия ташкилотлари ва депутатлар зиммасида турган долзарб вазифалар ҳақида фикр алмашмоқда.

Шуни ҳам айтиш керакки, учрашувларда билдирилган таклиф-мулоҳазалар ҳамда қўтарилган масалалар бўйича маълумот тайёрланиб, фракция қошида тузилган ишчи гуруҳига тақдим этилади.

Учрашувлар сайловчиларнинг фаол иштироки, қизғин савол-жавоблар билан ўтмоқда.

Пойтахтимиздаги 128-Саноат сайлов округидан Олий Мажлис Қонунчилик палатаси депутаты, ЎзХДП фракцияси аъзоси Рустам Комиловнинг сайловчилар билан бўлган учрашувидан бунга яққол амин бўлди.

Яшнобод туманидаги 30-оилавий поликлиникада ўтказилган учрашув расмий тадбир, мажлис шаклида эмас, ноодатий тартибда бўлиб ўтди. Депутат поликлиникада аҳолига яратилган шарт-шароит, кўрсатилаётган хизмат-

лар, тиббиёт муассасасининг бу борадаги имкониятлари билан яқиндан танишди. Тиббиёт ходимлари, аҳоли вакиллари билан бўлган самимий ва қизгин суҳбат асосида тиббий хизмат, соҳада амалга оширилаётган ислохотлардан ташқари, ички йўллар сифати, бандлик, ижтимоий нафақалар тўлашнинг ҳуқуқий асослари ҳақидаги саволларга жавоб берди. Учрашувга келганларнинг жойларда қолнунлар ижроси билан боғлиқ фикр-мулоҳазаларини тинглади.

Поликлиникада яратилган шароит билан танишиб, оналик ва болаликни муҳофаза қилиш бўйича кенг қўламли ишлар амалга оширилаётганига гувоҳ бўлди, — дейди Рустам Комилов. — Тиббиёт муассасаси зарур жиҳозлар билан таъминлангани, аҳолига қатор қулайликлар яратилгани фикримиз тасдиқидир. Сайловчилар билан суҳбатлашганимизда тиббий хизматлар сифати ошгани тўғрисида гапирди. Учрашув давомида сайловчилар ижтимоий масалаларда қатор таклиф-мулоҳазаларини ҳам билдиришди.

— Қонунчилик палатаси депутатининг поликлиникамизга келиб, бу ердаги шароитлар билан танишиши, аҳоли вакиллари билан суҳбатлашгани бизни жуда қувонтирди, — дейди 30-оилавий поликлиника бош шифокори ўринбосари Дилрабо Мамажонова. — Поликлиникамиз ўтган йили реконструкция қилинди. Бу ерда 40 минг нафардан ортиқ аҳолига тиббий хизмат кўрсатилади. Хизматлар сифати яхшиланяпти. Ҳозир умумий амалиёт шифокорларига эҳтиёж сезяпмиз. Депутат нафақат поликлиника ходимлари, балки аҳоли вакиллари ҳам қизиқтирган саволларга батафсил жавоб берди. Бундай мулоқотлар ҳар томонлама фойдали, деб ўйлайман.

Гулрух ОДАШБОЕВА,
«Ўзбекистон овози»
мухбири.

«Давоми. Бошланғич 1-бепда».

ЎзХДП «ИСТИҚБОЛ» ЁШЛАР ҚАНОТИ

Кучлилар сараланмоқда

ЎзХДП «Истиқбол» ёшлар қаноти томонидан ўтказилаётган «Ёш сиёсатчи — 2016» кўрик-танловининг дастлабки — бошланғич ташкилотлар босқичида иштирок этиш учун Навоий вилоятида олдиндан 200 га яқин мурожаат тушди.

Навоий шаҳридаги Кончилик коллежида ўтказилган танлов ҳам қизгин баҳсларга бой тарзда ўтди. Уч шарт бўйича ҳар бир иштирокчининг чиқиши ҳакамлар ҳайъати томонидан одилона баҳолаб борилди.

Коллеж ўқувчиси Шаҳзод Худойбердиевнинг «Ўрта махсус касб-хунар таълими тизимида педагог-психологлар фаолияти самарадорлигини ошириш» мавзусидаги лойиҳаси кўпчиликда қизиқиш ўйғотди. Таълим муассасалари психолог-

лари ўз ишига янада масъулият билан ёндашса, ёшлар ўртасидаги ҳуқуқбузарлик ва жиноatchиликнинг олди олинади. Ўқувчиларнинг маънавияти, дунёқараши, атрофдаги воқеа-ҳодисаларга муносабати шаклланишида ҳам педагогларнинг руҳий тарбияси муҳим ўрин тутади. Лойиҳанинг асосий гоёси ана шу масалалар ҳақида эди.

Шартлар якунига қўра, Шаҳзод Худойбердиев биринчи ўринни қўлга киритиб, танловнинг шаҳар босқичига йўлланма олди.

Иштирокчилар фахрий ёрлиқ ҳамда эсдалик совғалари билан тақдирланди.

ЎзХДП Навоий шаҳар кенгаши масъул ходими Лобар Тоғасовнинг фикрича, ёшларда танловга бўлган қизиқиш йилдан-йилга ортиб бормоқда. Унинг бошланғич ташкилотлар ўртасида ўтказилаётгани иштирокчилар сони ва танлов нуфузини оширмоқда.

Илҳом САТТОРОВ,
«Ўзбекистон овози» мухбири.

ХАЛҚ ДЕПУТАТЛАРИ САРИОСИЁ ТУМАН КЕНГАШИДАГИ ЎзХДП ГУРУҲИ 2016 ЙИЛДА ИШ
ЎРИНЛАРИ ТАШКИЛ ЭТИШ ВА АҲОЛИ БАНДЛИгини ТАЪМИНЛАШ ДАСТУРИ ИЖРОСИ БИЛАН
БОғЛИҚ МАСАЛАНИ СЕССИЯГА КИРИТДИ.

ИЖТИМОЙ
ҲИМОЯ

■ Бу йил компания тизимидаги корхоналар томонидан аҳоли хонадонларига 215 минг тонна суюлтирилган газ етказиб берилиши режалаштирилган.

Газ таъминоти яхшиланмоқда

Мамлакатимизнинг олис ва чекка ҳудудларида, ҳали табиий газ етиб бормаган ёки газ қувири тортиш қийин бўлган қишлоқ ва овулларда, яйловларда яшовчи хонадонларни суюлтирилган табиий газ билан мунтазам таъминлаш муҳим ижтимоий вазифалардан бири ҳисобланади.

Мухбиримизнинг «Ўзтрансгаз» акциядорлик компанияси газ таъминоти бўйича ишлаб чиқариш ва фойдаланиш хизмати бошлиғи Иброҳим Маҳмудов билан суҳбати ана шу мавзуга бағишланди.

— Кейинги йилларда аҳолига суюлтирилган газ етказиб бериш соҳасида ижтимоий ўзгаришлар юз берганини кўпчилик эътироф этмоқда. Бунга нима ҳисобидан эришилди?

— Саволинга жавоб бериш учун сал оққа чеккинишга тўғри келади. Аҳолига суюлтирилган газ етказиб беришда узиллишлар содир бўлаётгани ҳақида ариза ва шикоятлар кўпайгандан сўнг, 2012 йилда «Ўзтрансгаз» акциядорлик компаниясида ушбу масала жиддий ўрганиб чиқилди. Аниқланган муаммоларни бартараф этишнинг чоратadbirlari тузилиб, унда ҳар йили 1 июлга қадар республикамизнинг шаҳар ва туманлар ҳокимликлари, қишлоқ ва маҳалла фуқаролар йиғинлари билан биргаликда суюлтирилган газдан

фойдаланадиган хонадонлар ва улардаги мавжуд газ жиҳозлари сони ҳатловдан ўтказилиши белгилаб қўйилди. Шунингдек, суюлтирилган газ ишлаб чиқарувчи корхоналар билан ҳудудларaro газ таъминоти унитар корхоналари ўртасида шартномалар тузиш ва уларнинг бажарилишини таъминлашга ҳам алоҳида эътибор қаратилди. Биринчи навбатда, суюлтирилган газ тўлдириш пунктлари (ГТП) сонини кўпайтириш чоралари кўрилди. Натижада 2014 йилда 20 пункт қуриб, ишга туширилди. 2015 йилга келиб, уларнинг сони яна 14 тага кўпайтирилди.

Ҳар бир пунктга «Ўзбекхиммаш» корхонаси томонидан тайёрланган умумий ҳажми 100 метр куб бўлган суюлтирилган газ сақлаш сизимлари ўрнатилиб, Хитой



ва Россия давлатларидан келтирилган компрессор ускунаси, электрон тарози ва газ ҳайдаш насослари ўрнатишган.

— Уларни қабул қилиш ва ишга тушириш тартиби қай тарзда амалга оширилади?

— Пунктлар қуриб битказилгандан сўнг синовдан ўтказилади. Бу жараёнда иштирок этган тегишли назорат органларининг вакиллари ҳулосалари асосида керакли ҳужжатлар тайёрлангач, очилга рухсат берилади.

— Бу борада қайси корхоналар билан ҳамкорлик қилинади?

— Ҳужжатлар республикамизнинг ваколатли органлари жумладан,

«Саноатгеоконтехназорат» Давлат инспекцияси, «Ўздавнефтегазинспекция», жойлардаги ёнғин хавфсизлиги бошқармалари, лойиҳалаштириш ва бошқа тегишли корхоналар билан биргаликда тайёрланади.

— Ҳар бир ГТП неча кишини иш билан таъминлайди?

— Ҳар бир пунктда 10-13 иш ўрни бор. Ишга қабул қилинаётган ходимлар, пунктдаги мавжуд ускуналардан тўғри фойдаланиш, техника ва ёнғин хавфсизлиги бўйича қисқа курсларда ўқитилади, хизмат йўриқномалари билан таъминланади.

Суюлтирилган газ тўлдириш пунктлари (ГТП) сонини кўпайтириш чоралари кўрилди. Натижада 2014 йилда 20 пункт қуриб, ишга туширилди. 2015 йилга келиб, уларнинг сони яна 14 тага кўпайтирилди.

— ГТПларда ёнғин хавфсизлигига қарши қандай чоралар кўрилган?

— Барча пунктлар ёнғин хавфсизлиги қоидаларида талаб этиладиган мосламалар билан таъминланган.

Бундан ташқари, ҳар бирида сув насос ёрдамида тортиб олинган артезиан қудуғи мавжуд. 100 куб метр сизимдаги очиқ ҳавзаларнинг сувидан эса гидравлик ускуна (мотопомпа) ёрдамида фойдаланилади.

— Асосий мавзуга қайтсак, 2015 йилда аҳолига қанча миқдорда суюлтирилган газ тарқатилди?

— Ўтган йили 2 миллиондан ортиқ хонадонга 176 минг тоннага яқин суюлтирилган газ етказиб берилди.

— 2016 йилга режалар қандай?

— Бу йил компания тизимидаги корхоналар томонидан аҳоли хонадонларига 215 минг тонна суюлтирилган газ етказиб берилиши режалаштирилган. Шу мақсадда 189 темир йўл вагон-цистерналаридан, 88 та MAN русумли тиркамали ва 400 дан ортиқ ISUZU русумли махсус автотранспортлардан фойдаланамиз.

— 2016 йилда ҳам ГТПлар қуриш режалаштирилганми?

— Аҳолининг бу борадаги эҳтиёжлари ўрганилмоқда. Агар талаб бўлса, албатта янгилари қурилади.

— Эл-юрт фаровонлиги йўлида амалга ошираётган шарафли ишларингизда омад тилаймиз.


Равшан ШОДИЕВ,
«Ўзбекистон овози» мухбири.

ЎЗГАРАЁТГАН
ДУНЁNASA
АГЕНТЛИГИ

коинотда ёнғин
уюштирмоқчи

NASA агентлиги хавфсизлик тизимини синовдан ўтказиш учун фазода коинот кемасини ёқиб юбормоқчи.

Independent нашри хабарига кўра, Халқаро коинот станциясига навбатдаги юкни етказган кема ундан хавфсиз масофага узоқлашгач, бортдан пахтадан тайёрланган композит материал ҳамда шишапластикдан иборат қути ёқиб юборилади. Шу тарика тадқиқотчилар очиқ коинотда ёнғин қандай содир бўлишини кузатади.



Олимларни аланганинг катталиги ва тарқалиш тезлиги қизиқтирмоқда. Махсус датчиклар реал вақтда кислород, карбонат ангидрид ва ҳарорат ҳақидаги маълумотларни йиғади.

Бу маълумотлар фазогирлар учун ҳимоя воситаларини яратишда ёрдам беради.

ЖАМОАТ
ЖОЙЛАРИДА

чекиш тақиқланди

Руминияда жамоат жойларида чекишни тақиқлаш тўғрисидаги қонун қучга кирди, деб хабар бермоқда Associated Press ахборот агентлиги.



Чекишни тақиқловчи қонунни яратиш ҳақидаги қарор 2015 йил 30 октябрда Бухарестдаги тунги клубда юз берган ёнғиндан кейин қабул қилинганди. 64 кишининг ўлимига сабаб бўлган ушбу ёнғиндан кейин мамлакатда оммавий норозиликлар бошланиб, оқибатда кўпгина амалдорлар истеъфога чиқишга мажбур бўлганди.

Ҳозир ҳукумат янги қонунни жамоатчиликка етказиш учун кенг миқёсдаги тушунтириш ишларини олиб бормоқда.

ЗИЛЗИЛАДАН
ОГОҲЛАН-
ТИРУВЧИ

дастур илова яратилди

Калифорния университетлари олимлари Android-смартфонлар учун зилзиладан огоҳлантирувчи янги илова ишлаб чиқишди.



MyShake деб аталувчи илова хатарли ҳодисанинг илк аломатларини аниқлаши билан, ўз фойдаланувчисини хабардор қилади ва хавфсизлик чораларини кўришга ундайди.

Бошқача қилиб айтганда, дастур мобил қурилмани сейсмографа айлантиради.

АНЖУМАН

Иқтисодиётни институционал
ривожлантириш
масаласига бағишланди

Тошкент давлат иқтисодиёт университетида ўтказилган илмий-амалий конференция ана шу мавзуга бағишланди. Унда Олий Мажлис Қонунчилик палатаси депутатлари, Иқтисодиёт вазирлиги, Давлат рақобат қўмитаси, Савдо-саноат палатаси мутахассислари, шунингдек, Вазирлар Маҳкамаси ҳузуридаги Прогнозлаштириш ва макроиктисодий тадқиқотлар институти, ТДИУ ҳузуридаги Ўзбекистон иқтисодиётини институционал ривожлантиришнинг асослари ва муаммолари илмий-тадқиқот маркази ҳамда қатор олий ўқув юртлирининг профессор-ўқитувчилари, талабалар иштирок этди.



Фаррух АЛИЕВ олган сурат.

Тадбирни Тошкент давлат иқтисодиёт университети ректори Маҳмуджон Болтабоев очди.

— Конференциянинг мақсади Президентимизнинг Вазирлар Маҳкамаси мажлисидаги маърузасида белгилаб берилган Ўзбекистон иқтисодиётини янада ривожлантиришнинг устувор йўналишлари ва бу борада соҳа мутахассислари олдида турган вазифаларни ҳал этиш юзасидан илмий тақлифлар ҳамда амалий тавсиялар ишлаб чиқишдан иборатдир, — деди у. — Ўзбекистонда босқичма-босқич амалга оширилган ислохотлар жараёнида мамлакатимиз ижтимоий-иқтисодий ҳаётида мулҳоқ янги институтлар яратилди ҳамда ҳўжалик фаолиятини юритиш ва ривожлантиришни белгилаб берувчи институционал муҳит шаклланди. Маъмур муҳитнинг асосини ташкил қилган расмий қоидалар ва нормалар мамлакатимизда хусусий

мулкчилик шаклланишига, ишлаб чиқариш ва бизнес юритишда бошқаруш муносабатларига ўтиш ва янги бошқаруш тизимининг барпо этилишига, макроиктисодий мутаносибликнинг таъминланишига ҳамда барқарор иқтисодий тараққиётга қучли таъсир кўрсатади. Шу нуқтаи назардан олганда, бугунги конференция Президентимиз маърузасида белгилаб берилган хусусий мулкчилик, кичик бизнес ва тадбиркорликни қўллаб-қувватлаш, саноат ва қишлоқ ҳўжалигида ислохотларни янада қучуллаштириш, ишлаб чиқариш инфратузилмаларини жадал ривожлантиришда муҳим аҳамият касб этади.

Конференцияда таъкидланганидек, институтлар ва институционал нормаларни такомиллаштириш ва янгиларининг ҳаётга жорий этилиши мамлакатимизнинг иқтисодий ўсишида муҳим аҳамият касб этади.

Шунингдек, ўзаро иқтисодий муносабатларни тезлаштиради ва содда-лаштиради, инвестиция муҳитининг жозибасини ошириб, халқаро майдонда Ўзбекистоннинг обрўси юксалишига хизмат қилади.

— Ҳар қандай жамият институционал муҳитни ташкил этувчи маълум бир институтлар доирасида фаолият юритади ва ривожланиб боради, — дейди иқтисод фанлари доктори, профессор Бозорбой Беркинов. — Кўплаб хорижий мамлакатларда институционал омилларни давлат ва жамият ривожланишидаги ролини ошириш, уларни иқтисодий ўсишга таъсирини таҳлил қилиш ва барқарорлаштиришнинг муҳим воситаларидан бирига айлантириш бўйича қучур назарий ва илмий-амалий тадқиқотлар олиб борилмоқда. Мамлакатимизда эса «ўзбек модели» ва унинг негизи бўлган беш тамойил асосида босқичма-босқич амалга оширилган иқтисодий ислохотлар бу соҳанинг ривожланишида муҳим омил бўлиб хизмат қилди.

Анжуманда, ўрта ва узоқ истиқболда иқтисодий ривожланишнинг барқарор ўсиш суръатларини сақлаб қолиш ҳамда аҳоли турмуш даражасининг юксалишига салбий таъсир этувчи омилларни олдиндан билиш, ва уларни инобатга олганда шакланган институционал муҳит сифатининг иқтисодий ривожланишга ҳамда институционал ўзгаришларнинг иқтисодий ўсишга таъсирини баҳолаш муҳим аҳамиятга эга эканлиги қайд этилди.

Конференциянинг ялпи ва шўъба мажлисларида 15 дан ортиқ илмий маърузалар муҳокама этилди.

Конференцияга тақдим этилган илмий мақолалар ва маъруза матнлари алоҳида тўплам сифатида чоп этилади.

Анжуманда Олий ва ўрта махсус таълим вазирлиги Алишер Ваҳобов иштирок этди.

Нурали ОРИПОВ,
«Ўзбекистон овози» мухбири.

РЕКЛАМА ЎРНИДА

Самарқанда шаҳар
1-сон туғуруқ
мажмуаси жамоаси

юртдошларимизни
Наврўз айёми билан қутлайди.
Фарзандлар камолини кўриш,
чақалоқларнинг шодон кулгусини
эшитиш барчамизга
насиб этсин!
Оналаримиз, болаларимиз
ҳамиша соғ-омон бўлишсин!

ЎЗБЕКИСТОН ЖАҲОН
МАТБУОТИ
САҲИФАЛАРИДА

■ У бир умр ўз ватанини соғиниб, қўмсаб яшади.
Айниқса, унинг табиати, ҳавоси, шириндан-шакар
меваларини ҳеч унута олмасди.

«БОБУРНОМА» кўп ўқиладиган биографик асар

Буюк Британиянинг нуфузли «The Economist» нашрида шоҳ ва шоир Заҳириддин Муҳаммад Бобур ҳақида мақола эълон қилинди. Уни бироз қисқартирилган ҳолда эътиборингизга ҳавола этаймиз.

Агар тарихни кузатадиган бўлсак, Афғонистонни эгаллаш ҳар доим қийин бўлган. Темурий саркарда Бобурнинг «Бобурнома» асарида бу ҳақда жуда кўплаб тарихий маълумотлар келтирилган.

Бобурнинг қабри Кобулдаги боғда жойлашган. Фуқаролар уруши даврида унга бироз зарар етганди. Айни пайтга келиб ҳаммаси жойида. Бу ерга кўплаб зиёратчилар келади. Улар турли жонлиқлар сўйиб, қурбонлик қилишади. Боғда меҳнат қилаётган инсонларга ёрдам кўрсатишади.

Бобур Фарғона водийсида туғилган. У Амир Темур давлатининг пойтахти бўлган Самарқандни қўлга киритишни доимо орзу қилган. Қўзлаган мақсадида ета олмаганидан кейин Кобулга келиб ўрнашган.

Шундан сўнг у буюк империя қуриш йўлидаги ҳаракатларини бошлади. Афғонистондан то Ҳиндистоннинг жанубигача бўлган ҳудудда ўзининг салтанатини барпо этди. Бобур жаҳон маданияти ривожига жуда катта ҳисса

қўшган шахс. У бутун умри давомида автобиографик асар бўлмиш «Бобурнома»ни ёзди. Бугунги кунда ҳам машҳур одамларнинг ўз даври ҳақида ёзган китоблари нашр этилмоқда. Бироқ «Бобурнома» уларнинг барчасидан ҳар томонлама устун турадиган китобдир.

«Бобурнома»да бўлиб ўтган воқеалар рўй-рост ҳикоя қилинган. Мен жуда кўп давлат раҳбарларининг китобларини ўқиганман. Улар орасида ўзининг ҳатоларини тан олиб, ҳаракатларига танқидий баҳо бергани йўқ ҳисобиб. Шу пайтгача фақат Бобур бу мардонавор ишни амалга оширган.

Китоб муаллифининг юз берган ҳодисаларни борлигича, рўй-рост ёзгани эътиборга сазовордир. Айнан шунинг учун ҳам «Бобурнома» тарихий асарлар ичида энг кўп ўқиладигани, таржима қилинадигани, чоп этиладиганидир.

Бэмбер Гаскойн бу китобга таъриф берар экан, «Бундай тафаккурни чарчайдиган китоб ҳар доим ҳам



Кобулдаги Бобур боғи

яратилавермайди», дейди. «Бобурнома» биринчи марта 1922 йилда инглиз тилига таржима қилинган.

Бобурнинг буюклиги биринчи навбатда, унинг насаби билан боғлиқ. У Соҳибқирон Амир Темур авлодидан.

Бобур 12 ёшга кирганида унинг отаси оламдан ўтади. Шундан сўнг тахтга чиққан подшоҳ 13 ёшида Самарқандни қўлга киритиш мақсадида йўлга чиқади. Аммо минг афсуски, у ўз ниятига ета олмайди.

Бу урғиш яна бир неча марта такрорланишига қарамаздан, мурод ҳосил бўлмайди.

Бугунги кунда ҳам машҳур одамларнинг ўз даври ҳақида ёзган китоблари нашр этилмоқда. Бироқ «Бобурнома» уларнинг барчасидан ҳар томонлама устун турадиган китобдир.

Аксига олиб, Андижон тахти ҳам қўлдан кетади. Муаллақ қолган Бобур салтанатсиз подшоҳга айланади. Хизматдагиларнинг аксарияти уни тарк этади. Яқинларининг бу ҳиёлати яна зарба бўлади. У машҳур, беқарор кунлар ҳақида ёзар экан, жумладан, шундай дейди: «Бу мен учун жуда оғир бўлганди...». Ушанда у бор йўғи 14 ёшда эди.

Бир муддат тоғ-тошларни маскан тутган Бобур чора-тадбирсиз қолиб, кам сонли лашкари билан Кобулни эгаллашни ихтиёр этади.

Унинг бу сафарги юриши

омад келтиради. Кобул эгалланади.

Бобур табиатни жуда севган. Буни «Бобурнома»даги қайдлардан ҳам билса бўлади. Шунинг учун ҳам у қадами теккан жойларнинг табиати, ҳайвонот олами ҳақида батафсил маълумотлар қолдирган.

Бобурнинг қўндалигидан нафақат ўзининг, балки бошқа шоирларнинг шеърлари ҳам ўрин олган. У ҳар доим оддий, тушунарли тилда ёзиш тарафдори бўлган. Бу ҳақда ўғли Ҳумоюнга ёзган хатида ҳам тўхталиб ўтади.

Заҳириддин Муҳаммад Бобур ўз салтанатини янада кенгайтириш мақсадида Ҳиндистонни эгаллаш стратегиясини ишлаб чиқади. Жануб томондан ҳинд дийрига кириб борган Бобур Панипат жангида Султон Иброҳим Лўдий қўшинини маглубиятга учратади.

Шундан сўнг Бобур ўз салтанатини мустақамлашга киришади. Лекин у бир умр ўз ватанини соғиниб, қўмсаб яшади. Айниқса, унинг табиати, ҳавоси, шириндан-шакар меваларини ҳеч унута олмасди.

Шоҳ ва шоир Дехлида ҳам Кобулда бўлгани сингари боғлар барпо эттирди. Унинг бир қатор дўстлари Ҳиндистоннинг иссиқ ҳавосига чидай олмай Кобулга қайтиб кетишди.

Вақт ўтган сари Бобурнинг саломатлиги ёмонлашиб бораверди. У 47 ёшида оламдан кўз юмди.

Ўзбекистон овози» муҳбири Темур АбЗАМ тайёрлади.

СПОРТ

Футбол бўйича Ўзбекистон кубоги 1/16 финал учрашувлари бўлиб ўтди. Мазкур босқич голиблари бир учрашув натижасига қўра аниқланди.

Ўзбекистон кубоги:
НАВБАТ — 1/8
ФИНАЛГА

Қўтилмаган натижа Андижонда биринчи лига вакили «ЎзДонгЖу» — «Шўртан» (Фўзор) жамоалари баҳсида кузатилди. Унда меҳмонлар дарвозасига киритилган ягона гол андижонликларни кейинги босқичга олиб чиқди — 1:0.

Ушбу босқичнинг бошқа жуфтликларида қуйидаги натижалар қайд қилинди: «НБУ-Осиё» (Тошкент) — «Қўқон-1912» (Қўқон) — 2:3, «Хотира-79» (Уйчи) — «Металлург» (Бекобод) — 0:3, «Нурафшон» (Бухоро) — «Олмалик» (Олмалик) — 0:2, «Зомин» (Зомин) — «Андижон» (Андижон) — 0:2, «Қизилқум» (Навоий) — «Орол» (Нукус) — 5:0, «Машъал-2» — «Машъал» (Муборак) — 0:0 (пен. бўйича — 7:8), «Езёвон лочинлари» (Езёвон) — «Бухоро» (Бухоро) — 0:4, «Динамо» (Самарқанд) — «Нефтчи» (Фарғона) — 0:1, «Пахтакор-2» (Тошкент) — «Сўғдиёна» (Жиззах) — 1:2, «Цементчи» (Қувасой) — «Навбахор» (Наманган) — 2:3, «Оқтепа» (Тошкент) — «Обод» (Тошкент) — 0:5.

Энди қўрыға қўра, 1/8 финалда «Навбахор» — «Қўқон-1912», «Қизилқум» — «Андижон», «Металлург» — «Олмалик», «Машъал» — «Сўғдиёна», «ЎзДонгЖу» — «Локомотив», «Нефтчи» — «Насаф», «Бунёдкор» — «Обод», «Пахтакор» — «Бухоро» жуфтликлари ўзаро баҳс юритади. Ушбу босқичдан бошлаб ўйинлар уй — сафар тизими асосида ўтказилади.

Дастлабки учрашувлар 25 ва 26 март кунлари ўтказилиши белгиланган.

Эркин ХОЛБОБО

ҚУТЛОВ ВА РЕКЛАМА

UTBANK

акциядорлик жамияти жамоаси

ҳамюртларимизни
Наврўзи олам
билан қутлайди.

Ўйғониш ва яшариш айёми
барчамизга қутлуғ бўлсин!
Йил боши ҳаммамизга бахт
ва омад, тинчлик-хотиржамлик,
фақат яхшиликлар олиб келсин!

Хизматлар лицензияланган.

ЗАВОД «KRANTAS»

Производит и реализует под заказ:



ГАРАНТИЯ 1 ГОД

- ▶ Бензовозы — 4, 8, 10, 12, 16 м³.
- ▶ Водовозы — 4, 8, 12 м³.
- ▶ Вахтовые автобусы 4x4 — 22 мест, 6x6 — 26 мест.
- ▶ Комбинированные поливомоечные машины — 4, 8 м³.
- ▶ Кислотовозы — 6, 8, 10 м³.
- ▶ Автогудронаторы — 6, 8 м³.
- ▶ Полуприцепы: бензовоз, самосвальный, бортовой, контейнеровоз.

Адрес: Республика Узбекистан, г. Ташкент. Тел./факс: (+99871) 262-97-78, (+99871) 262-23-61. Моб.: (+99890) 188-15-33, (+99890) 187-52-05.
E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

MUASSIS:



O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: Safar OSTONOV

TAHRIR HAY'ATI:

Abdulla ORIPOV
Hotamjon KETMONOV
Ulug'bek VAFOYEV
Rustam KAMILOV

Ulug'bek
MUSTAFOYEV
Muslihidin
MUHIDDINOV
Ochilboy RAMATOV

Saidahmad RAHIMOV
Farrux HAMROYEV
(Bosh muharrir birinchi o'rinbosari)
Tat'yana KISTANOVA
(Bosh muharrir o'rinbosari)

Qabulxona — 233-65-45

Xatlar va murojaatlar uchun — 233-12-56
E-mail: info@uzbekistonovozi.uz

MANZILIMIZ:
100000, Toshkent,
Matbuotchilar
ko'chasi, 32-uy.

Gazeta O'zbekiston Matbuot va axborot
agentligida 0006-raqam bilan
2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etiladi.
Korxona manzili: Buyuk Tiron ko'chasi, 41-uy.
Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va
shanba kunlari chiqadi.
«O'zbekiston ovozi» materiallarini
ko'chirib bosish faqat tahririyat
ruxsati bilan amalga oshiriladi.

Г — 359
17578
nuxxada
bosildi.
Nashr ko'rsatkichi — 220
t — Tijorat materiallari
O'za yakuni — 21.17
Topshirilgan vaqti — 23.00

Sotuvda kelishilgan narxda

Navbatchi:
Abdusalim MAHMUDOV
Sahifalovchi-dasturchilar:
Zafar BAKIROV
Behzod ABDUNAZAROV

